

鄧海濱著

世界書局印行

環遊二十九國記



目次

序	一一二
贅言	一一二
日本	一一〇
美洲五國	一七七
美利堅	一
墨西哥	二九
巴拿馬	三四
古巴	四四
加拿大	五九
法蘭西	一一九
瑞士	一二九

意大利……麻納哥……	一一三八
奧大利……	一一一〇
匈牙利……	一一一七
捷克斯拉夫……	一一一二
德意志……	一一一八
瑞典……挪威……丹麥……	一一一六
荷蘭……	一一一三
比利時……盧森堡……	一一一四
英吉利……	一一二〇
葡萄牙……西班牙……	一一二三
地中海東岸諸國——非洲——歸途……	一一〇〇
希臘……	一
土耳其……	一七

西里亞……………三四

巴力士登……………四二

埃及……………四六

印度……………七四

新加坡……………八二

安南……………八七

旅行意見……………一九

中西文人名地名對照表……………一六

附索引……………一一〇

美洲五國

美利堅 墨西哥 巴拿馬 古巴 加拿大

四日船至港口。此次來美。自日本啓航。即得三藩市拍無線電至船歡迎。檀香山啓航。復得歡迎之電。故船一抵港口。三藩市總支部同人。已偕日本郵船公司代表。各報記者前來。忽見飛機翔於船之空際。初意美人演習。後知爲同志歡迎者。繞船三匝。揚手巾。呼口號而去。將泊岸。早見日本郵船公司高掛青天白日旗於碼頭歡迎。而同志及各團體代表立岸上者數百。上岸後汽車百餘。列隊巡行。加以軍樂。青天白日之旗。布滿全埠。所住之旅館。亦掛青天白日旗。

1

五日起大中華戲院之三藩市總支部及支部之歡迎會。

六日赴中華會館之歡迎會。其餘團體之歡迎。亦日有二三處。此間族姓最重。如許姓之歡迎汝爲無論矣。最奇者則美洲往往數姓絕不相關。聯爲同宗者。劉關張趙。前此遊記已有人言之。此次以同宗歡迎汝爲者。有聯義公所。查係以「言」旁之姓聯合爲一。將「譚」「談」「許」「謝」認爲同宗也。復查「陳」「胡」「袁」聯爲同宗。云同出自大舜。「蔡」「吳」「周」「翁」聯爲同宗。云同出自文王。「鄧」「葉」「白」「岑」聯爲同宗。云爲同郡。「黃」「伍」聯爲同宗。云因姑子歸宗關係。另有「雷」「鄭」「方」聯爲同宗。「薛」「司徒」聯爲同宗者。則未詢得何種關係。亦一趣聞也。連日忙於酬應。曾夜乘汽車遊公園一次。車行約四十分鐘。園大而草木疏密得法。日間曾環遊全埠。參觀歐戰紀念堂。博物館。水族館。各一次。匆匆而去。因自笑云。與其謂在此數處參觀。無甯謂爲在此數處跑步。此間市政開爲全美之冠。市長連任至五次。教育亦極發達。交通至爲便利。有一街四電車路者。加省全省。(三藩市屬加省)有汽車二百餘萬。人口祇四百餘萬。平均每二人有一汽車。而電話則平均每人有一具。卽此可見一斑。

十一日下午一時。與汝爲天固翰譽等。由三藩市乘汽車赴葛嶺 *Geary*。由三藩市

至葛崙。隔一海灣。須數十分鐘輪船。方能渡過。余等即坐原乘汽車至輪船。安然過去。此船可容百輛汽車左右。二十分鐘開一次。此類輪船碼頭。在三藩市有數處。可見其交通之便。現有人擬築長橋。政府欲其築地道。此後世界交通除地面外。必有一空中。一地下。行一小時左右。過一橋。橋長十里。亦巨觀也。至數里之橋。則不知經過多少。其道路「周道如砥。其直如矢。」八字。足以形容之。全國鄉市已一律可通汽車。此中人聞國內南京廣州等汽車。限於一小區域能行。視為新聞。現福特 Ford 公司所出汽車。每輛止須三百餘美金。而乘火車來回紐約三藩市一次。車價幾相等。故此間有人赴紐約者。改買一汽車。用款相當。且得常用。實至便也。至汽車油。其價賤無比。每加倫只十八仙。行汽車一日。以十小時計。其費不過三元。故以美國全國計。每六人有一汽車。以加省計。則每二人有一汽車。近日汽車房。實為美國一大問題。至在美國之人。則幾人人能駕駛汽車。雇汽車夫者至少也。所經各處。一望平原。麥田菓園。每數十里為一區。有一牛場。則經十小時汽車而不盡。耕植動用機器。家多木屋。悉至精美。據市政廳人云。尚有六分之四未耕之地。(一)因本國人少。(二)因農產多而價賤。不

欲多舉也。此行因事耽擱。在三藩市逾所定時間始開車。則葛崙同志。候於百里外者百餘人。已三小時有奇。汽車共六十餘輛。因是日同志各休業一日。以歡迎也。心至不安。至葛崙已五時矣。卽至黨部小息。黨部附設於中山學校。因黨部去年燒去也。此埠原有百十店舖。經去年大火。存二十餘間。五時半赴歡迎會。演說後宴會。此間無酒店。酒席皆由黨員自辦。此間黨員散住各田園。非常熱心。亦至團結。殊可佩也。

十二日上午十時。由葛崙起程赴斐市那 Fremont。道經樂居埠 Locke。分部同志。歡迎甚殷。與汝爲爲一小時有奇之演說。經市作頓埠 Stockton。各同志候此歡迎者不少。因時間關係。僅傾談二十餘分鐘而別。五時至斐市那。此埠頗大。人亦較衆。歡迎汽車亦多。到後先至旅館少憩。嗣赴黨部歡迎會。晚餐而回。

十三日由同志導遊是地高等學校蔡園等處。晚間歡迎會於香江樓。此間教授斐立博士亦參與。盛道三民主義之良好。聞此博士甚服膺總理主義。故此次余等到此。亦參與歡迎云。

十四日由斐市那回三藩市。順途往觀硫磺池。七時半抵三藩市。同時之路。在去路之

東。所過各市多整齊。較之中國各城。幾乎莫不過之。不禁感慨繫之矣。

十五日由商會介紹。并派二人引導。參觀美埃崙海軍站。是站實美國東方唯一海軍港。有海軍大將駐焉。乘船而往。經一島。名曰海崙。有木屋數十間。知爲美人留難華僑到美之所。聞常拘禁華僑數百人。市政廳某顧問云。此間經費。年須千餘萬。有擬裁之者。輒爲所阻。因有一部份保飯碗者。把持其間云。美之政治。孰云盡清明哉。一小時奇抵岸。有司令及濟亞氏來接。旋乘海軍大將地頓氏派來之汽車到公署。與地頓大將談片時。復由濟亞氏引導。參觀造船廠木廠鐵廠潛行艇廠等處。逐一解說。至十二時半。地頓大將在公署設宴招待。備極優渥。惟港地要塞。未引參觀。

十六日早赴市政廳參觀。由市長羅夫氏及其警察長祕書長十餘人出而招待。三藩市二十餘年前地震後。成瓦礫場。今日得此繁盛。聞得此市長力不少。故四年一任。計至今連任五次。實今日民選中任期最長者。詢其有何祕訣。據云。不愛錢。用人公。談話甚詠諧。云遠客來。當宴以酒。餉以美正禁酒。何以有酒。據云中央禁酒。地方否也。且不飲酒。何以表示歡迎遠賓。蓋美國中央政府。不能干涉地方自治。往往中央政令。不

及地方。而地方自治之範圍。則日益擴大也。詢其教育經費。據云市歲收入三千餘萬。三分之一爲教育費。有千餘萬云。其建築費尙不在內。其祕書長出其學校圖。繁簡無一同者。據云依地方情形而建築云。嗣由其祕書長引視廳內各處。建築至爲宏偉。據云值千萬云。其圖表至詳。以教育一項。言入學兒童多少。何校肄業。若何年齡。均有極明晰之圖表。反觀我國之教育事業。爲之頹然。十一時至披詩摩軍營參觀。由陸軍大將傾討氏接待。復派司令官二人引觀營房及各要塞礮臺等處。而新設之要塞在外重者。并未引視。下午二時。往卜技利。參觀加省大學。由其校長甘巴氏副校長克地氏招待。復派員陪同參觀其圖書館課堂鐘樓演講堂球場等。演講堂可容二萬人。球場可容八萬人。均希臘式云。惜時間倉卒。未盡所觀。但一入其中。見學生之伶俐活潑。雅可人意。此校有學生一萬數千。實爲美國人數第二多之大學。

廿日與汝爲天固翰譽等參觀山埔頓監獄。此監獄係加省所管。容三千餘犯。實美國之最大監獄。由副監獄官和頓氏出而招待。此地爲半島。面海背山。風景殊佳。山上房屋十數所。至精美。知爲監員所住。有大房屋一。知爲監獄。入其中卽見花園一所。次

第參觀監犯住房。造靴工場。織麻布工場。工木場。鐵工場。印刷所。圖書館。醫院。影片處。犯人夜九時入住房。早六時一律出房工作。工作日八時。餘則看書運動。聽其自然。犯人皆怡然不見戚容。初入監者。須入織麻場六個月。是為最苦之工。自中國工人觀。仍是最易者。凡研究大學課程者可免作工。并由省派教授。以一定時期入獄演講。其學生限中學畢業者。始得研究此課程。聞甚多大學畢業得學位者。聞有一犯。監禁十年。專研究農科。出獄後成有名學者。犯人出獄之日。即為大學畢業之日。亦至趣也。中有星期報。月報。主筆者皆為犯人。言論亦頗自由。由其贈星期報一份。中有論「監獄中教育問題」「改良待遇問題」。即可見其一斑。參觀圖書室。余謂天固曰。此圖書室實較廣大法科圖書室為優。實事實也。食有湯有魚有肉有豆。且有音樂。翰譽曰。馮煖可免歌長缺乎。余曰。是鐘鳴鼎食之家也。故入此獄時。祇入監門皮生房。見有監獄氣象。餘則惟見工廠學校而已。治監獄學者之言曰。入其國。觀其監獄。而知其盛衰。信哉。十二時半。副監獄官以所乘之汽車偕余等往午餐。途中指曰。此牧場也。此農場也。管理犯人之獄官。所用之廚夫皆犯人。且皆中國廣東人。據云中國犯人有五十餘。

均易管理。入餐時有餅一。中用色糖砌成二詩。自署「旅囚感賦」。詩尙不惡。記末句有云。「匡時主義是三民」。似非無心肝者。餐甚豐。意爲廚夫加意者。席將終。副監獄官曰。「昨夜余問作廚之犯。汝知明日來此者係中國何人。彼答曰。美國之華盛頓一流人也。彼欲見君等。君等願與見乎。」余等允之。伊親入引廚夫數人來見。并撫其背。足見其平等。餐後。參觀女監。在男監之右。係新建者。室甚寬敞而幽雅。犯人種花及作手工更自由。且有高歌者。引觀住房。一見訝爲大家小姐閨房。房中陳設。五色雜陳。甚至水廁亦覆以繡布。此外影戲場。跳舞場。應有盡有。犯人祇一百餘人。出門時守門者向余等言曰。「此地勝斐律孟旅館乎」。余等笑而頷之。斐律孟係余等所住之旅館。市中之有名者。據監獄官云。犯人四之一爲愛情。四之一爲劫財。而每人每年由政府支出供應各費計二百七十餘元。仍擬增加云。查其女犯少。而男犯如此多者。因女人犯罪。美國例得寬也。

十八日。汝爲天固翰魯參觀江尼古報。余則參觀士丹佛大學。校長已赴古巴。由其政治系主任出而招待。旋參觀辦公廳。課室。禮拜堂。圖書館。藏書樓。博物館。美術館。

。學生會。中國學生會。體育館。其球場則新建。能容十萬人。較卜技利大學爲大。西人賽球。視爲重大事。每年卜技利與士丹佛賽球。無不坐爲之滿。入場票每張十元云。此大學係一省長捐資辦理。校例收三千五百學生。而女生限收五百。以紀念其子士丹佛者。故卽以其子士丹佛之名名其學校。其子係在意大利留學。因一女子而死。故此校對於招收女生有限制。美人往往一人出數千百萬。獨建公共事業。士丹佛如此。而前此所遊之歐戰紀念堂。金門公園之博物館。均如此。甚可佩也。至美國每市均有圖書館。均爲鋼鐵大王所捐辦者。其他某王某王。無不競辦公共事業。無怪美國文化之日進也。

二十日休息一日。爲各同志所浼作字。亦到各埠必不能免之一事。廿一日上午由教育局介紹。並派員導觀各學校。先至士作頓衾馬學校。此校附近華埠。專爲華人而設。近亦許西人入校。但西人無入之者。美國向以無種界標榜。實則無處不存種界形迹。聞三藩市前曾爲日本人設專校。不許日本人混入其他市校。日本人起而向美政府抗議。美政府以無權干涉地方事婉拒之。日本謂美政府已無權干涉地方事。當直接行動。卒由總統羅斯福召市長到華盛頓與商。始解決此事。其時之市長。卽現今之市長也。到校後。由

校長哥羅威路氏導觀全校。招待頗殷。此校校長以及教員。似均係女子擔任。其學級。係由幼稚園至小學四年。學生年齡至參差。管理亦未見得法。據聞三藩市華僑學童統計入當地學校者。小學約有一二〇〇人。初中約有三〇〇人。高中約有二百人。此外入教會辦之幼稚園有四百餘人。而吾僑自辦之華文夜學。計中華學校有二六〇人。南僑學校有二四人。陽和學校有一八〇人。此外教會辦之協和學校。有一八〇人。以如此多之華僑。只有小學以上學童一七〇〇人。已覺其少。而此一七〇〇人。兼入夜校華文學校者。只得其半。幼年全受外國教育。耳濡目染。其能不爲外國化者又幾何。言念前途。杞憂曷極。次參觀商業中學。此校有學生二千餘人。中有中國學生十餘人。校長已赴波士頓 Boston 教育大會。由其副校長大國氏親引參觀各課室。每到一課室。并由各教員學生試驗功課與觀。當至速記室。并請余親演留聲筒。云將爲紀念。至歷史室。適教羅馬史。教員指一西人學生演講。該學生起立直講。間有誤者。由教員立予更正。次指一中國學生演講。該學生不起立演講。再連指中國學生二人。亦如之。此真難堪者。副參觀該校禮堂。能容二千餘人。據云係由隔四街移來者。美國常有將整間屋由此移彼者。於

途中常見之。但如此大者。則未之見也。是日下午本有數校擬參觀。乃因與天固曾約一共和黨有力黨員某參觀其俱樂部。遂於下午二時由某親自駛車迎往其俱樂部。車行郊外約一小時。其俱樂部至矣。一望小山起伏。松柏參天。雜以花草。聞歸其俱樂部範圍者。有一千餘畝。每百餘步即有小木屋一間。屋多因山因樹而築。據云係每一黨員即自築小屋一間。以爲行樂地云。無何。至其本人之屋矣。入門一大廳。前半有床三。後半亦有牀三。中間檯椅櫃物。廳後有小房三。一爲廁所。一爲浴室。其一則一開門但見無數酒罇酒瓶。某一告以酒類。某者係由飛機運來。某者係由潛水艇運來。言畢詢何所嗜。詢後取酒各予一巨杯。由後門導至廳側。乃一露天小跳舞場。地以板製成。松柏蓋其頂。極爲雅緻。飲後導遊。則有露天戲院。可坐數百人。週環以樹。有露天公衆跳舞場。據云男女酒闌雜沓時。冬則折四週之枯枝舉火其中。跳舞於傍。夏則折四週之綠葉舖其地爲茵。恣其坐臥。有露天會場。可坐百餘人。附以露天公共食場。容人數亦相等。復入一室甚大。中列木檯數十椅無數。云係賭室。賭具則應有盡有。此外普通之種種遊戲場。體育場。無不畢備。則不待言。其習槍也。云係由一人在山頂放鴿飛翔。以槍擊

之。卽此可知其遊戲規模之大。據云此特其小者。尙有一俱樂部。其地可占二萬五千餘畝。每選舉以此爲發蹤指示地。并欲約遊。因行期已定却之。此俱樂部以家庭組織法組織之。其會長曰父。會員曰子。入會皆政治上握有實力之人。當地最高官吏。亦在其內。入會須納會費五百美金。遊後某出一冊屬題。以留紀念。余率題四語云「入世出世。塵襟洒然。深山大澤。龍蛇生焉。」某甚喜。再三云欲譯其意註其旁。遊畢仍由某親駛車返。至則入夜七時矣。此次在三藩市參觀各處。最有趣味者。則於最黑暗地發見光明監獄是也。於似光明地發見黑暗俱樂部是也。

二十二日收拾行李辭行。忙却一日。因明日離三藩市也。此次到美。在美國可謂在酒禁森嚴之時。却無日不有酒飲。不過在中國酒席。係用茶壺盛酒耳。到各處參觀。主人多以禁酒事相詢。或談笑。亦足見美人之注意此事。聞中央雖禁酒。而地方則多放棄。聞某省長云。官可不飲。酒却不可不飲。近且甚多弛禁之論。女子本多主禁酒者。但某省女議員。竟多數主張弛禁云。但雖如此。禁酒之後。中等社會以下。獲效亦不淺云。

二十三日由三藩市赴沙加免度 Sacramento。中國人稱爲二埠者。卽加省省會也。先期

由沙加免度黨部派三人到三藩市偕往。三藩市亦派數人相送。離埠約半小時。即有數十輛車來歡迎。到埠時已入夜。至旅館稍停。即赴黨部及華僑各團體合開之歡迎會。會畢赴宴。同志及僑胞均表熱烈之歡迎。至可感也。宴後與同志談黨務。至夜三時始休。

二十四日是日本擬在沙加免度參觀一日。因北加斐 *Bakerfield* 黨部以電話來促云。中西官民已預備歡迎。非往不可。祇得匆匆分謁同志。至下午一時即乘汽車前往。夜十時後始至。至則汽車數十輛歡迎。中有西人汽車十輛。市長及市立某校學生。本在歡迎之列。因夜深不果。警長親來歡迎。巡警列隊者數十。余等每到埠。均由當地官廳派警保護。然皆二三人而已。此其特例也。余及汝爲所乘之車。駕駛者。云係前市長之子。而此車則爲汽車公司所假之最新式者云。是夜歡迎巡行後赴宴。席中男女學生甚多。莊諧雜陳。頗極興致。因華僑有家屬者。以此地爲最多云。

二十五日上午參觀煤油井。此地出煤油最多。當至煤井時。一望無數高數十丈之木架。據云有百十萬云。此木架即抽煤油之所。油礦深淺不同。油脈亦無定。礦源至淺者萬零五百尺。深者有二萬餘尺。油盡見水。則此礦油已盡。有云水下仍有油。此則未經驗